

## ARTICULUS IV.

AD QUID TENEATUR POSSESSOR MALÆ FIDEI, ET QUID UTERQUE TAM BONÆ; QUAM  
MALÆ FIDEI POSSESSOR IN CAUSA EXPENSARUM?

211. *Nota.* Expensæ sunt triplicis generis: Aliæ sunt *necessariae*, quæ requiruntur adeo, ut sine ipsis vel res periret, vel fieret deterior, ut refectionis domus labem passæ aut passuræ, alimonia pecorum, cultura agrorum. Aliæ sunt *utiles*, quæ rem magis fructiferam efficiunt, licet sine illis res maneret integra, ut, si quis agros stercoramentis, præta aquarum deductione meliora efficiat. Aliæ sunt *voluptuariae*, sive voluntariæ, quæ rem duntaxat ornant, non autem fructum augent, ut aquæ salientes, pictura. His addendum, expensarum nomine etiam laborem comprehendit, quem possessor per se, vel per suos rei alienæ vel conservandæ, vel meliorandæ impedit; hic enim et labor pretio æstimabilis est.

212. *Dico I.* Sive res aliena sit evicta, sive non, possessor malæ fidei semper tenetur 1º. restituere rem cum fructibus omnibus, etiam consumptis, ex quibus licet non sit factus locupletior, exceptis industrialibus: 2º. Simul compensare domino, damnum emergens, et lucrum cessans, quod fecisset usu rei suæ, si ab hoc iniqua detentio alterius non fuisset impeditus.

Ratio primi est, quod nullo jure hi fructus possessori malæ fidei tribuantur; ergo, si fructus etiam absulti sint, adhuc ad restitutionem ex injusta acceptance tenebitur, sive læsione juris alieni; si adhuc extensus, ex re accepta. Hinc L. Certum. 22. C. de R. V. dicitur: *Certum est, malæ fidei possessores omnes fructus solere cum ipsa re præstare.*

Ratio secundi est; quia fuit injusta causa damni. Conf. ex L. domum. C. de R. V. ubi: *Præses provinciæ cum pensionibus, quas perceperit (possessor malæ fidei), aut percipere poterat, cum omni causa damni dati domino restitui jubebit.* Ac L. 79. ff. de R. I. generaliter edicitur: *Cum de fraude disputatur, non quid habeat actor, sed quid per adversarium habere non poterat, considerandum est.*

Dixi 1º. lucrum, quod fecisset; nam juxta Theologos possessor malæ fidei non tenetur in foro interno (in foro tamen contentioso non tantum ad perceptos, sed etiam eos, qui honeste potuissent percipi, sive dominus hos perceperisset, sive non, condemnatur) reddere fructus, quos ipse non percepit, et de quibus simul constat, quod neque dominus eos perceperisset; in foro enim interno justitia tantum obligat ad servandam æqualitatem, ita ut dominus non patiatur damnum emergens, nec lucrum cessans; sed neutrum tunc dominus patitur. Neque tamen hinc sequitur: ergo judex in foro civili etiam ad hos fructus obligans est injustus; quia justæ hoc poterant statuere leges in poenam ad coercendos rapaces homines; sicut fures possunt damnari in quadruplum. Cæterum hæ leges, eo quod poenales sint, ante sententiam judicis non obligant, recte tamen post illam in conscientia; quia etsi poenales, tamen justæ sunt.

Dixi 2º. Exceptis industrialibus, pure talibus, cum non fructus rei, sed potius industriae humanæ sint.

213. *Dico II.* Possessor bonæ fidei deducit 1º. expensas necessarias; 2º. etiam utiles, si sint inseparabiles: 3º. melioramenta, quæ possunt separari salva substantia, potest quidem ipse tollere; non tamen cogere dominum ut ea admittat, solvatque pro iis pretium: 4º. potest auferre expensas voluptuarias sive ornamenta, si sint, salva re, auferribiles; si non sint ita auferribiles, nec dominus ipse has expensas fecisset; saltem expensas voluptuarias omnes nequit deducere.

Ratio primi est, quia in jure per fructus propriæ sumptos intelligi solet id, quod remanet deductis expensis, L. 7. ff. soluto Matrim.; ergo quando possessor obligatur ad restituendos fructus, obligatur tantum ad id, quod remanet deductis expensis.

Ratio secundi est, quia talis possessor utiliter gessit negotium domini; ergo damnum pati non debet, nec dominus sine justa causa ditescere cum damno alterius.

Ratio tertii quoad part. 1am. est eadem; quoad 2am. est, quia L. nec emere. C. de Jur. deliber. ad emendum nemo cogitur.

Ratio denique ultimi quoad p. 4am. clara est, quia tunc non recipit alienum: quoad p. 2am. quia est contra æquitatem, rei dominum cogere, ut emat justo pretio illa ornamenta accidentaria, quæ nunquam voluerat cum tanto rei sue familiaris dispendio; præsertim quod ornamenta ejusmodi pretio rem ipsam aliquando superent.

Dixi tamen: voluptuarias omnes nequit, etc. est enim prorsus probabile, posse eum deducere saltem aliquam expensarum portionem; hæ enim ipse expensa voluptuariae, aliquo modo sunt utiles domino, potestque rem propriae pluris vendere, LUGO, HAUNOLD. Imo L. utiles. 39. ff. de petit. hæred. dicitur, bonæ fidei possessoribus prodesse doli exceptionem in talibus impensis voluptuariis.

214. *Dico III.* Possessor malæ fidei 1º. potest deducere expensas necessarias, quia has deducendo non capit alienum. 2º. In foro conscientiæ et ante sententiam judicis, etiam utiles; quia ante sententiam judicis tenetur malæ fidei possessor ad id solum, ut indemnem servet rei dominum; atqui hec facit, etsi deducat expensas utiles. Licet enim in foro externo non permitatur ei illas expensas deducere, et multo minus voluptuarias, quæ separari a re non possunt juxta L. 5. C. de R. V. æquitas tamen earum legum fundatur in culpa male fidei; proinde poenales sunt, quæ obligationem ante sententiam non parunt. Deinde nihilominus indulgent leges, ut consequatur compensationem expensarum utilium officio judicis ex eadem ratione, ne et dominus ex aliena re lucrum faciat, L. 38. ff. de petit. hæred. Hoc vero signum est, quod leges aliæ non obligent ante sententiam: 3º. Potest separare expensas voluptuarias, si separabiles sint salva re. Ratio est eadem, quæ primi.

215. *Dices* 1º. Si possessor malæ fidei possit tollere melioramenta, salva re, separabilia; ergo etiam poterit dirnere ædificium, quod in fundo alieno posuit: sed hoc non; quia id prohibent leges, §. 30. Inst. de R. D. L. 7. §. 12. ff. de A. R. D.

R. N. seq. ob leges citt. quæ id specialiter voluere prohibitum; cuius  
III. p. 2.

variae causae a variis assignantur, velut quod aedificia non sine incommmodo domini fundi possint destrui; adeoque ad dominum fundi pertineant, cuius veluti pars consentur; hoc vero, quod leges de aedificiis speciali ex causa ordinarunt, ad alia facile separabilia, ut statuas et similia extendi non debet.

*Dices 2º.* Labor, quem possessor malae fidei in fundo alieno excolendo posuit, est injustus; ergo dominus, spectato jure naturali, et ante sententiam non tenetur compensare.

R. D. Ant. Est injustus, domino tamen utilis C. inutilis N. Possessor male fidei ad plus non tenetur ex natura justitiae, quam ut dominum servet indemnum; ergo si dominus quid plus accipiat, quam ipsi debeat, aequo et ille, spectata praeceps justitia, tenetur restituere; atqui plus acciperet, quam ipsi deberetur.

*Dices 3º.* Igitur etiam solvendus eset operarius, qui, domino vel invito, vel incio, ingredieretur vineam, et exoleret.

R. N. illat. quia talis nec ex voluntate domini prae sumpta quidem labaret in ejus vinea; dominus enim, cum sit in possessione rei sue, pro suo libitu operarios constituit; at vero talis possessor laborat ex voluntate domini prae sumptive saltem; quia cum dominus non sit in possessione rei sue, ac propterea in his circumstantiis non possit, quos velit, constituere operarios, prae sumitur saltem velle, a quocumque tandem utiliter coli, sicut ipse coleret, si haberet.

*Dices 4º.* Si possessor malae fidei posset illas expensas tollere; ergo adhuc posset ditescere ex alieno.

R. N. seq. Nam possessor malae fidei deducit solum, quod impedit de suo; hoc vero non est ditescere ex alieno; sed rem ad aequalitatem deducere, quod solum a justitia commutativa spectatur.

## DISSERTATIO III.

### DE DIVERSITATE DOMINIORUM ET JURIUM JUXTA DIVERSITATEM PERSONARUM ET STATUS HOMINIS.

Summa, id est prima ac principalis (ait Imperator, *Inst. de jure personarum*), divisio de jure personarum est, quod omnes homines aut liberi sunt, aut servi. Tum secundo, in eos divisionem facit, qui sui, vel alieni juris sunt, *Inst. h. t.* Alieni vero juris dicuntur, qui in potestate aliorum sunt, vel dominorum, ut servi; vel in potestate patria, ut liberi non emancipati. Tertio demum eos, qui in potestate non sunt, in illos dividit, qui vel sub tutela sunt, ut pupilli; vel sub curatela, ut minores; vel qui neutro horum iure tenentur, *Inst. de Tutet.* At paulo alter Theologi apposite ad suum forum divisionem personarum coordinant. Homines liberos, sensu iuris tales, subdividunt in clericos et laicos: clericos rursum in seculares, et regulares: laicos vero in conjuges; filiosfamilias; existentes sub tutela, ut pupillos; vel curatela, ut minores. Præterea Theologi res vel bona hominis generatim dividunt in intrinseca et extrinseca. Per *intrinseca* ea veniunt, quibus homo intrinsece constituitur et perficitur, ut corpus, anima, membra, sanitas, actus intellectus et voluntatis liberae. *Extrinseca* rursum duplia sunt: *non pure talia*, quæ homini ab extrinseco insunt, mensura tamen eorum existente intra ipsum hominem, ut fama. *Pure talia*, quæ, homine nihil mutato, augeri possunt et minui, ut cætera fortunæ bona, sive corporalia, ut prædia, pecuniae, servi; sive incorporalia, ut sunt varia jura, quæ rebus corporalibus saepè inhærent. At priora duo, quid homini juris in vitam, membra, famam, etc. competit, Theologia. Moralis ex industria examinat; unde de posterioribus solum, secundum initiam cum Theologis divisionem nobis Dissertatio remanet.

## CAPUT I.

### DE DOMINIO CLERICORUM.

Post pauperes de Lugduno, sive Waldenses, a Waldone Lugdunensi civi sic appellatos, contendentes anno 1160. clericos, sacerdotes presertim, sola contentos eleemosyna vivere debere; atque idecirco defecisse sub Sylvestro Romanam Ecclesiam, quod eo tempore possessiones honorum admiserit, WICLEFFUS asserebat anno 1375. id jure divino prohiberi clericis sin-